

寂歷空山聽鳥音泉聲松籟等鳴琴從知物外幽人致自有蕭然太古心

半晴半雨半陰陽靜極方知日月長莫道此間無實獲黑甜一覺悟黃梁

題飛英寺

青苔古刹塔峻嶮闔盡飛英寺裏僧夜靜鐘聲鳴月下沿溪船上戲龍燈

示人二首

三徑無媒草自蕭龐通載酒事云遙舊時五柳今何在猶記城南啞口橋

道藏輯要

呂帝詩集

豐

室集七

黃鸝斗酒甚荒唐老大徒追俠少場一曲關山羌笛裏平沙片月鬢如霜

題雲巢精舍六首

精舍森森翠竹幽晴空片片綵雲浮問誰高據山腰裏卻是茗南第一流

竹徑紆迴見短牆新聲百鳥弄笙簧春光宛似私巢舍先放梅花一樹香

草長閒階花木幽爐香縹緲篆烟浮簷迎塔影孤峯入門繞湖光一水流

閱歷紅塵一布衣菰城深處有柴扉春來屢試烏程酒風起楊